

錦里先生文集

六

番外書册

					和書門
			二六八五		類
		一〇五			
	一三架				
一〇册					

庫文閣内			
二〇五函		二六八五	和書
二四架	一〇册		類

内閣文庫	
番號	和 26185
冊數	10 (6字)
函號	205   238



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



淺草文庫

東武稿

錦里文集卷九

平安木貞幹直夫著

男寅亮編

遠孫靜校

五言絕句

外孫正修惠元日作。聲韻流麗。已有老成氣象。喜而不寢。為和五首。

紅杏日邊春。天葩入筆新。儒林三世學。可復繼前人。

其二

歲星一紀春。家學逐年新。荀氏八龍後。無雙又有人。

其三

寸陰筆研春。騁志逸材新。可識駒千里。一鞭超過人。

其四

宅相外家春。有孫學日新。愧無修史筆。空待述書人。

其五

韓檠冬又春。溫故可知新。功業在勤讀。簡編不負人。

張果

張仙多異事。誰辨實耶非。若識馬非馬。何須驢覓驢。

水墨獅子

驅邪能愈瘡。服猛復飛魂。筆下威風起。真為百獸尊。

黃葵

搖風黃絹色。含露紫檀心。亭午花全發。向陽有寸忱。

斛律光

饒舌兼盲老。燠天讒焰闌。忠丹明若月。千古照人寒。

七言絕句

淡水江君席上賦書窗聞鶻

杜鵑窗曙誦韓詩。道是催歸未可知。千歲無人解禽語。田家惟說侯農時。

曉窗聞鶻得煙字

一住江東已十年。年華過眼若雲烟。五更喚覺還鄉

夢。卻以催歸訢杜鵑。

森木鳴蟬得涼字

深林日落響琅琅。金石歌聲風露腸。美蔭羨他知所  
止。人間多少有炎涼。

寒魚依藻得宿字

魚在在藻堪潛伏。凝寒聊可遂生毓。為報漁翁莫漫  
又。須知聖門不弋病。

淑氣催黃鳥

煦育冲融共歲回。遷喬啼鳥暗相催。一氣無言呼起  
物。莫誇羯鼓使花催。

其二

大鈞轉物自無私。出處由来亦有時。君看丘隅知止  
處。春風吹送上林枝。

風前螢

低拂池塘高拂樓。熒熒一夜火星流。世間若有繫風  
手。收入紗囊照案頭。

鶯到垂楊不惜聲

柳綠藏身不肯飛。嚶嚶相喚惜春歸。晚來猶聽千般  
語。欲借長條繫落暉。

鳥聲開春

鷓鴣聲報喜歲華新。鶯語遷喬淑氣勻。又識扶桑枝上  
曉。天雞號起萬方春。

鶯喜太平

聖林有鳥日嚶嚶。求友欲同歌太平。好是萬年枝上  
雀。俱遷喬木發歡聲。

席上次柳震澤韻

白水青山五十程。相逢先叙隔年情。明朝韓客來斯  
地。牛耳知君尋社盟。

淡水江君席上次韻

華堂迎客晚晴天。豪族連如瓜瓞綿。莫恠涼風消溽

暑。高人詩思湧如泉。

奉次常府相公尊韻呈金地禪師

華館臨江水石清。滿筵綺饌極東京。詩章錦與霜楓  
錦。併餞還鄉晝日行。

子猷溪雪

兩崖凍樹壓枝稠。停棹歸心動碧流。一夜窗前三尺  
雪。恐為折節此君羞。

伊吹嶽雪

江上名山鎮北津。寒風一夜玉嶙峋。又知往昔妖氛  
久。變作豐年瑞色新。

乘鞍浚雪

頭顱如此白皚皚。稅駕投鞍誰共同。萬徑千山人迹絕。會看天馬蕭雲來。

詩家清景在新春

江南春早玉梅枝。五蕊三花冷滿詩。為報黃鶯莫多語。乾坤清氣畏人知。

冬至

正是今朝始復陽。眼中草木暗生光。老來更覺吾材短。襪線難添一線長。

歲寒

松栢有心篁有筠。為君感慨為誰陳。隨波逐浪滔滔去。砥柱中流有幾人。

春日

造化無私物各通。開花啼鳥自冲融。可知萬古仁人意。渾在溫風和氣中。

春夜

明月開花適賞心。誰將一刻抵千金。夙興夜寐詩人戒。還恐工夫過寸陰。

陶淵明

三徑秋風五柳春。陶家活計不依人。卯金虐焰如秦

錢謙益集卷九  
火。欲向桃源重問津。

墨梅

昨夜三更月色新。紙窗疎影逼天真。妙工看破化工巧。寫出江南滿幅春。

墨竹

萬木迎秋色自遷。此君節操更依然。歲寒應復伴松栢。一任曉風霜滿天。

畫菊

花中隱逸氣剛堅。浥露經霜更可憐。甘入陶家同晚節。不分漢相頌延年。

畫鶴

丹頂縞衣年幾千。羽蟲部裏獨稱仙。妙工若有通神手。他日一鳴聲聞天。

畫鶉

莫道懸衣欠美姿。好音應節不相欺。性淳無敢越橫草。不分犇犇刺衛詩。

墨菊

數枝凜立滿殘霜。只畫清容不畫香。無奈括囊坤象美。緇塵又尚染黃裳。

魯論二萬三千字

聖門二萬三千字。心上工夫不用多。軟語縱令如燕子。能言只愧似鸚歌。

竹院讀書

綠竹猗猗環堵前。夏絃春誦仰先賢。諸君可記切磋業。就架先尋淇澳篇。

揚柳月中疎

風裊細腰霜蹙眉。月中影瘦美人姿。幸緣仙免秋毫好。淡墨描成萬縷枝。

松呈風早公

清節貞蕤立歲寒。凌雲氣勢自桓桓。京華風信早應

報。青眼何時傾蓋看。

松間落花

櫻花相映後凋林。風裏翩翩半不禁。穿葉綴枝渾若雪。三春猶見歲寒心。

木槿榮

未怨華顏不迨春。朝開暮落任天真。人間榮辱須臾事。只愛芳芬日日新。

白杜鵑花

無端讓國復無家。化作冤禽歲月遐。萬里蜀天歸不得。餘魂猶托白頭花。



柳色藏家

雨後垂楊一洗清。前林不見綠晴。烟條萬縷藏蘓小。苦向春風寄素情。

山茶花

南方佳樹託山花。冒雪凌霜又奪霞。瓠裏紅如爐裏火。清芬併入玉川茶。

柳

萬紫千紅春一般。無人具眼細相看。可怜陶令門前柳。只屬吾私不屬官。

千山響杜鵑

雨歇聲聲雲外翻。千山到處似鳴冤。谷神不死呼相應。望蜀空飛萬里雲。

水上螢

池塘荒草雨餘稠。螢火隨風上下浮。暗水不欺明徹底。案頭可亦照儒流。

降龍

不是亢龍有悔心。借時隱見自浮沈。祇今恩澤遍天下。不用苦辛為雨霖。

魚

際會君臣今古步。劉魚葛水令名彰。還思勞苦生顏

尾不若江湖相共忘。魚鳥亦令長遠思。嗚呼生跡

鶴

丹頂玄裳羽族仙。不蜚不喚養神全。定知千歲聲為律。待得春風更聞天。

鹿

蘄然頭角氣嵒嶭。濯濯悠悠食野苹。誰秉賓興三代典。明倫堂上宴群英。

冬日即興呈金地禪師

滿地布金黃落辰。庭前栢樹德香新。禪林風月盈無缺。文苑英華冬有春。

題某人紀行詩

示我紀行詩一局。展來紙上起清風。奚囊知得江山助。多少煙霞入句中。

牡丹賞客

四十今朝華宴新。芳心不惑艷陽辰。天香國色年年面。永對人間富貴春。

芍藥近客

紅藥堦前雨始收。方知恩露自茲稠。佗年若侍花王宴。朵數七千添壽籌。

病中感懷

久病少瘳添氣機。肌膚生肉日相依。奇功偏賴參苓力。不是胸中戰勝肥。

其二

四君子與六君子。又似陽和育物亨。峻劑奇方休浪用。天然元氣自然生。

洒帚

工夫精義入神深。下學須存上達心。心上塵埃能掃得。不饒敝帚享千金。

應對

語言唯諾莫乖違。習性須依童稚機。召對多年論世

事。匪躬牖約格君非。

妾薄命

秋風日日冷羅帷。鏡裏復無心掃眉。更恨君恩薄於葉。葉零猶有著枝時。

勸善

踐土葵丘霸業彰。春秋本意在匡攘。君臣大義炳如日。華衮餘榮長有光。

懲惡

謹嚴一字風霜凜。亂賊千年肝膽寒。聖筆詩心繭毛密。世人莫做等閑看。

不寐

長夜漫漫欲曉難。平生閒思百千般。恍然忽覺精神爽。一點靈明枕自安。

搗衣得力字

九月嚴霜飛朔北。寒砧夜夜強竭力。憂心如搗衣言勞。唯願遠人懷文德。

即興

夏天曾忘炎塵情。重樹森森雨亦清。一片感心君可記。薰風吹送苑禽聲。

登

聞說登高必自卑。滾山大澤向春時。龍蛇忽得青雲路。行看飛騰百祿宜。

萬年青

草近窗前意可揮。自家自得共誰談。萬年不朽言功德。只望諸君青出藍。

踏花馬蹄香

春暮尋花餘幾芳。先庚後甲馬蹄忙。揮鞭挾蝶紛紛去。猶戀令公三日香。

山居

木末亭成清且幽。琴書泉石日優游。一塵不到胸天

豁嶺上閒雲自在浮。

黃金臺

易水前頭臺上金。方來豪傑感恩深。未聞賢者可財  
致。別有同仇百鍊心。

聞砧

砧杵月高風滿樓。征人未返轉悲秋。可怜永夜閨中  
力。都入苦寒邊上愁。

扇

越羅顏面湘筠骨。拂暑招涼別有功。用捨行藏吾與  
爾。仁風都在卷舒中。

墨竹

孤竹賢人餓首陽。清風直節共天長。忠魂千載依然  
在。鐵面猶餘御史霜。

四皓圍碁圖

四箇冥鴻商嶺西。一枰何處着高低。漢儲羽翼嬰塵  
網。可惜佗年當局迷。

磨針圖

偶感磨針苦琢磨。彌縫志在竟蹉跎。君心不似婆心  
切。衮職當時有關多。

王禹稱看月圖

舉目秋風月滿空。隔年終夕望無窮。達觀何必分真假。不盡清光圖畫中。

淵明畫像

歲寒翦鬢孤松秀。晚節芬芳叢菊清。歸去無心理荒徑。草中恐有寄奴名。

武仙圖

孫武

破楚威齊事可知。初間已覺用心奇。古來尤物傾人國。先為吳王斬寵姬。

白起

善戰上刑天所亡。武安殘暴自招殃。長平四十萬冤氣。凝成杜郵三尺霜。

曹參

龍顏天子始開基。刃筆幸遭攀附時。百戰莫論功第一。勲名全在守蕭規。

吳漢

吳公疆力隱如敵。質簡尋常倚愛深。垂死勤勤猶諫赦。可知忠謹一生心。

檀道濟

檀公策畧世俱驚。何事國家猜盛名。魏寇佗年到瓜

步。痴心始悔壞長城。

斛律光

馬面彪身雄傑將。織成貝錦血痕深。誰知明月無私處。不照長安照赤心。

郭子儀

忠武功名今古無。丹心不敢為身圖。二十四考唐天下。何必扁舟浮五湖。

吳起

今古韜鈴溢縹囊。吳書幾正最傳芳。山川雖是王公儉。在德箴言不可忘。

六國平來名到今。將家三世殺機深。老姦只識請田宅。不為子孫耕此心。

馮異

世上舊恩誇一餐。公孫謙退出忠丹。滹沱麥飯蕪羹粥。尚做君王不忘難。

周勃

祿產顛兵虐焰頻。轉頭火德作灰塵。陳平奇計渾無用。木疆還為社稷臣。

謝玄

典午忠臣陶氏家。歸來三徑伴寒花。此公若有精靈在。忍見吾孫守永嘉。

韓擒虎

陳家十萬一投戈。蓋世功名亦已多。爭奈人間為柱國。尚從地下慕閻羅。

李光弼

嘆息唐家再造功。臨淮威令壓群雄。祇緣一點青蠅污。末路遷延捺棘中。

狄青

武襄名位冠當時。不祖梁公愧自欺。將相由來寧有

種。故留面涅報人知。

墨竹

清節清風筆有神。此君不與俗流均。賢賢莫恠易其色。孤竹由來姓墨人。

墨梅

半幅剡藤清似雪。玉人冷笑曉風寒。素衣縱使緇塵染。不變中心一點酸。

神農

上古聖神開物初。後來真偽可何如。并耕浪詖農皇說。百藥長傳本草書。



山水圖

江上扁舟橋上客。亂峯高出白雲層。欲求二頃老斯境。試問山靈喚不應。

墨菊

秋滿陶家晚節深。千年誰又嗣芳音。可憐鐵面清霜冷。中有黃金百鍊心。

太公垂釣圖

萬事無心坐釣磯。丹書竟洩聖人機。須知敬怠召凶吉。不向畧韜論是非。

管神贊

管相愛梅今古知。詠花多與德香期。憑誰更得頌佳實。論及廟堂調鼎時。

滌彩管神像

松梅掩映舊衣冠。粉墨丹青滌未乾。黼黻皇猷一時事。文華千載與人看。

蘭花

翠珮玉冠塵外姿。幽林深谷少人知。憐君采入丹青手。滿室馨香氣自移。

白澤

能言神獸出軒皇。為報鬼神情狀詳。鸚鵡猩猩惣問

語未嘗與世說妖祥。

凌霄花

巧剪紅羅笠樣深。老松蟠繞散清陰。牽牛縱得形容似。爭識凌霄千尺心。

淑氣含梅

峭峭餘寒壓歲華。江南春信入誰家。東風明日催黃鳥。銜出園林第一花。

午院荷風

水閣披襟日向中。芬芬荷氣滿簾櫳。欲邀河朔碧筒飲。先問西湖麴院風。

春草

路連南浦客心傷。野入東風生意香。園柳鳴禽應笑我。春來無夢到池塘。

風靜花香

春滿芳園夕照紅。扇和靈籟自冲融。薰人別有德香在。君子堂中君子風。

其二

瓊葩玉蕊淨無埃。風歇芳心更快哉。好是園林錦爲障。不須御史拈香來。

復菴席上和答菊花韻

玉葩金蕊為誰栽。招客露談懷抱開。把盞問花花有語。明年更待白衣來。

常府相公和管右相菊花韻。府中學生森復中。通示于幹。有續貂之求。謹獻頌尾醜語。效施家。餘蟬云。

管相詩鋒錐画沙。常藩文苑筆生花。東籬馨德今猶古。千載它揚同一家。

其二

詩仙神鼎紫金沙。鑄出一庭黃白花。松老梅飛入君里。清芬傳到小儒家。

其三  
常山蛇勢勝囊沙。詞陣何曾數六花。吾輩彫蟲真小伎。多慙見笑大方家。

中秋高宴錫觀御舞恭紀一首  
年年明鏡正中時。天上壽光無盡期。韶舞長傳太平曲。桂華高照萬年枝。

正月桃花  
桃花歲歲艷陽辰。正月忽看仙態新。池上已陪金母宴。江南來伴玉妃春。

衆木愛春  
衆木愛春春未老。不知何處是春歸。長安春色年年好。只有桃花不肯飛。

園林昨夜報青春。衆木欣欣氣象新。最是無私花柳色。亦知天下共歸仁。

春酒介壽。臘酒開醅。玉有光。春筵祝老壽無疆。桃花正月映人面。共酌瑤池千歲觴。

羽扇指揮鼎立功。威風猶見畫圖中。世間若有真龍臥。好似不須同葉公。

示中村子行問眼疾。聞說鄰莊明月秋。怜君兩歲起閒愁。憑誰分得嫦娥

藥。銀海披雲繼昔遊。

人參

羸老無佗疾病深。幸憑靈藥託丹心。人參貴可比珠玉。一椀煎湯滴滴金。

先主

南陽高隱少遭逢。三顧頻繁情意濃。詐對曹公失七箸。震威能起武侯龍。

桃李不言

桃李惱人將語遲。春風復逐世情移。誰知賢俊狄門士。却作息媯兒女姿。

春雪賦瑞

天上瓊花稱物情。人間瑞麥發春榮。心田別有豐年玉，只恐吾儕欠力耕。

凍雨成雪

凍雨寒飈暗小春。半飛花蕊半飛塵。案頭想見孫三雪，夜諷研精有幾人。

積雪成山

累珠積玉冷相看。神造鬼剜成亦難。只恐斯功虧一篑，手龜半夜不辭寒。

新涼

昨夜涼風拂世塵。韓檠漸與讀書親。憑誰濯得人心污，爽氣從茲又日新。

殘暑推不去

日穀炎威未改轍。萬牛何亦轉方輪。憑誰借得風師力，一掃餘氛賴此民。

落葉和霜

寒入豐鐘更漏長。朝來落葉滿庭黃。幽人掃向地爐去，燒却園林一夜霜。

暮秋微雪

黃落山林盡欲零。岐陽九月雪微玲。秋風昨夜吹來

後疑是梨花滿半庭。

中秋無月二首

任爾頑雲復妬秋。人心有月伴清遊。無絃若識琴中趣。莫笑蘓人上虎丘。

其二

春陵風月有誰尋。嘆息人間拘蔽深。不向心頭認明暗。空從天上管晴陰。

十三夜月二首

復迎月夕上高樓。皓彩渾兼三五俦。遮莫中華無詭事。謙光却勝滿盈秋。

其二

清明夜夜德光新。試向古人求比倫。好是子安三尺歲。既成君實九分人。

病中八專  
七旬養病百無愁。氣宇漸兼平日俦。寒雨八專俱計會。三彭闔室又成讎。

次濃州刺史岡部公元會韻三首  
太平有象會同均。四海如星拱北辰。此日金城溼恩霈。仁風吹入滿腔春。

其二

玉宇瓊樓高下均。餘寒料峭鎖芳辰。臨風先問梅消息。瞻望江南第一春。

六平其三

郢裏新吟協樂均。霏霏白雪遇斯辰。筆端自有回天力。寫出英華文苑春。

次浩然南君歲初高韻

霞錦雲紅照海東。天章分入彩毫中。好將文苑詩葩發。作誦應膺大雅風。

次元齋丈人元日韻

春入毫端興趣深。熙熙物色屬人心。東風二十四番

外。先看詞華始自今。

其二

地號麻生直道深。擇居何又有蓬心。人間風物共年改。愧我故吾猶到今。

次孚軒細川君歲首韻二首

春臺喜氣滿城俱。暖入毫端華藻敷。好是梅窗閒讀易。應須心上著工夫。

其二

卷中常與古人俱。德耀詞華次第敷。待看錦鱗三十六。龍門桃浪躍夫夫。

山茶花

瑤花碧葉雪中誇。顧渚山間別樣花。菊蕊已萎楓未  
染。風光先入玉川家。

遠州刺史南部公席上

春風華館向陽舒。雙壁照人光有餘。且喜東京設豐  
饌。更從南部問新書。

梅花水仙圖

仙子黃冠得水難。梅兄白眼帶霜寒。人間名教有餘  
樂。世上塵氛不忍看。

篁洲神原生使畫工住吉氏寫余真就求贊語

未幾懇到之情。不可辭焉。因述平生實履塗抹其上。  
一日招余入室。滿座秩如純如。相見莫逆於心。  
所謂朋來之樂。何以加焉。遂賦一絕。與諸賢偕  
樂云。

珍重篁洲寫我真。頰觀如此有精神。願言阿堵無憎  
愛。同學同門一視春。

梅柳渡江春。梅顏皓皓可憐姿。柳眼青青欲展眉。自此江南春色  
遍。冷看一馬化龍時。

歸馬華山



牧野誓成歸馬時。修文偃武遠人來。漢皇何事勞窮  
黷。浪向大宛求駿奇。

放牛挑林

桃花流水兩山間。降飲寢訛容色閒。特特生生何可  
歇。他年紫氣滿函關。

中山君席上贈東臯禪師

方外淡交青眼新。醍醐法味又醺人。醉鄉有記今無  
用。不管中山千日醇。

東武稿

錦里文集卷九

東武稿

錦里文集卷十

平安木貞幹直夫著

男 寅亮 編

遠孫 靜 校

七言絕句

庭上櫻花

絲雲裁葉雪盈枝。曳履芳庭歸去遲。餘賞猶期一方  
月。要看花影可中時。

雨後花

晚林如雪映新晴。幾度花間去又行。更覺朝來霑濕

好。滿身香露濯塵纓。

待花

冰雪猶餘一半寒。綠顰紅怨欲開難。要呼詩伴發芳興。日日林間刮目看。

三友暖冷子贈一瓶菊副以三章詩歌次韻謝  
招我東籬隱逸枝。未論三徑欠餘奇。時清不忍投簪去。幾度對花心忸怩。

其二

來詩起我矻愚蠢。莊誦沈吟坐小窗。多謝平生三益友。老來懶復對書缸。

其三

兩首唐詩可以興。一篇和詠又堪稱。吟來吟去思無極。桃盡書窗半夜燈。

柳條漏春

武昌楊柳雉橋東。綠意潛從臘底通。為報吾門青眼友。開眉桃李領春風。

其二

揚柳漏春方向榮。無私造化自生生。天人邪正有同異。未信漢臣溫樹情。

新居移竹

新築柴荆鋤草萊。為移綠竹苦栽培。修稍何俟結佳實。五彩先看文鳳來。

其二

稚竹移來抽碧環。課童日日報平安。晉賢遊會嗣宗在。青眼相期保歲寒。

花影

月上闌干斜照粧。日高庭際正重光。畫工爭似天工巧。淡墨描成剩有香。

下秧

雨笠煙簑食有天。離離函活翠雲連。祇今清世省征

斂。勿畏青苗橫覓錢。

其二

秧馬千村摘雨泥。可嗟勤苦在氓黎。老來踈懶種無德。不奈心田生稗梯。

垂絲海棠

沈香亭畔日初長。醉態不勝餘曉粧。忽有春風吹起睡。驚看蜀土有佗揚。

秋池一枝蓮

素蕊離群心自遐。清漣濯出玉無瑕。高明更有秋陽暴。獨立可知君子花。

其二

一何為少百何多。淨植亭亭映碧波。壓倒群芳無比類。瑤池可種伴仙娥。

其三

一朶瓊葩露未乾。孤標已看滿池寒。自無半點含脂粉。絕勝能行白牡丹。

池上梅花

寒勒梅花學字遲。幾求姿媚映清漪。若非逸少臨池日。即是壽陽開鏡時。

新綠可人

綠光如滴眼相疑。秀色可餐心自怡。張緒風流初筮日。薛逢塗抹少年時。

水仙

虛心玉色直而清。月且須將君子評。只為黃冠著不穩。錯教人喚水仙名。

其二

疾風勁草氣晴嶸。山澤臞仙亦假名。可與梅花伴寒苦。不從桃李競春榮。

楊柳招人

春風楊柳手高低。青眼招人心不迷。枝上黃鸝百般

金三集卷十  
語未饒桃李漫成蹊。

梧桐報秋

秋入梧桐物色冷。三更白露令人警。君看金氣泉脈通。心原欲鑿九仞井。

簾外木犀得風字

簇簇仙葩午院風。天香特地透簾櫳。未知紙帳梅花夢。夢裏芳情通不通。

紅梅

春滿江南萬玉姿。相隨一夜宴瑤池。定知仙醞沁仙骨。換卻姑山冰雪肌。

寒菊

花發深黃滌未乾。葉含淺紫色猶難。風饕雪虐三冬底。百鍊金英亦避寒。

殘花留春

殘馥餘芳到處空。鶯啼終日訴春風。花神別有仙丹術。老境猶留滿面紅。

石竹

剪羅顏面竹精神。遠客感時鄉思頻。莫向花前問名字。座中多是洛陽人。

花木向陽

品物迎陽氣自旺。鴻雁何事更北向。若使人心亦迷方。不如花木得條暢。

拒霜花

任他風霜腓百卉。滿面紅光老猶未。幸有菊花伴晚香。肯向豔陽爭富貴。

雨中柳色

高唐天暮夢猶殘。翠翠春衣染未乾。婀娜細腰煙裏面。教人錯做楚宮看。

秋海棠

彩筆難摹傾國妍。紅顏睡過豔陽天。而今醉倒秋叢

底。亦識花中有謫仙。

綠竹半含籜

節節初萌意出群。稍稍漸長氣凌雲。此君斯日如龍變。霧雨猶藏半豹文。

枇杷黃醫者忙

仙果黃時發痼深。良工太苦救人心。憑誰為問相如病。盧橘贅言欺上林。

歲寒知松柏

衆木敢望候伯難。雪霜非意莫相干。中心自有堅剛操。柯葉貫時不覺寒。

松竹有歡聲

淇澳猗猗君子斐。泰山鬱鬱大夫榮。同經霜雪歲寒色。發作陽和天籟聲。

菊花

冷蕊秋深香氣全。不從衆草競嬋娟。縱令移在豔陽裏。滿面風霜自凜然。

池塘春草

芊芊被岸自芬芳。想見西堂春晝長。漸覺老來藻詞減。夢魂不肯到池塘。

枸杞

誰將金谷碎珊瑚。點綴枝間似貫珠。中夜若聞華犬吠。靈根亦可養殘軀。

其二

離離朱實向秋成。先喜讀書添眼明。何用南閩問丹荔。任佗西蜀贈紅櫻。

魯門桃花

冲融和氣魯門東。挾岸桃花日日紅。一月春風泛人面。儒林坐了不言中。

楓葉丹

露白霜紅木葉秋。蕭森氣象楚江流。仙丹長駐好顏

色不比人間搖落稠。

常府相公在藩國為善之暇。恤幹衰老。乃令盛  
使賚賜天鷲。幹聞天鷲性熱。味益氣力。利臟腑。  
其羽毛織絨。可以禦寒。而養羸軀。恩渥之至。何  
由報焉。謹貢微忱。俯冀高照。

遠賜天鷲。養冷腸。茹毛飽肉。感恩光。細絨織出。裁衾  
禱。誰謂溫柔。別有鄉。

拾遺源公。今秋有益封之慶。自羽州山形移鎮  
白河城。白河者。東奧重關也。特恩榮擢。感激

不已。情見于歌詠。因取章末一字。伸為兩詩韻。

以寓頌禱

恩波滔滔。河潤九餘澤。流為斯民壽。四海祇今如一  
家。關門自是不須守。

其二

江城風雨近重九。菊花為獻靜者壽。到日霜楓錦作  
榮。猶期德輝在仁守。

樂只松平公。下示旅寓和歌二首。摘末字為韻  
奉答。

二年東武見秋風。客況無聊吟詠中。雖淺昔時雲表  
露。復從仙掌上青空。



其二

豫章雙劍世人顧。斗牛時有光芒吐。幸然劍遇博物知。待看磨礱在且暮。

聞熊兒勤讀以詩勗之

喜爾平安守舍廬。從人估價惜居諸。須知正道傳心要。莫讀異端非聖書。

次韻謝今井兄贈園花四首

排律

久客憑君鄉思寬。一瓶春色與何闌。花中幸有洛陽品。秉燭三更子細看。

其二

藻思滔滔海樣寬。明珠投我照門闌。鄙吟聊答殷勤意。料得詩人帶笑看。

竹苑門主責臨東武榮膺法會導師。實宗門之

盛事也。余馳往樞謁。座間辱賜盛詩一章。謹賦

巴謳三篇。奉謝寵眷。

別離三歲寸心中。喜見文星復照東。健筆將追換鵝老。高吟可繼浣花翁。

其二

萬部經筵日可中。絲幡畫戟列西東。高堂太衆三千外。滿池雨華驚野翁。

其三

應真飛錫碧虛中。燦爛霞標映海東。吾亦他年台嶠去。桃花流水問仙翁。

堀田氏席上。邂逅青木東菴。鑑字高公。賦詩贈之。取其族號冠之句上。體製頗異。強余同作。余性不好異。然高公之心不可違。效顰其體。走筆漫言東菴洛人。頃年來居東武。業醫好飲。故用卜居屠蕪事云。

青田群鶴栖應好。木有仙松水有珠。東武卜居之得正。菴中春醞醉屠蕪。

淡成堂主人請余講春秋。廣陵野雪醫翁時來。討論經義。有開發之益。一日席間贈一幅盛藻。惘惘之情。洋溢于筆墨之際。茲次韻以謝。我聞廣陵多芍藥。翁其采之治病。醫心又能調和。詩味宜乎其詞。溫厚和平。雋永無厭焉。詩曰。筆削權衡字字精。千年亂賊膽猶驚。聖門日月無私照。只恐浮言蔽大明。右講春秋。

其二

七方十劑每研精。寸匕刀圭又堪驚。橘井仙源從古湧。杏林春色至今明。右詠鴻術。

其三

餘材的樂入詩精。不管人間寵辱驚。贈我瓊瑤光滿室。照來夜夜案頭明。右答贈言

別昆弟

一從握手弟無兄。分袂難堪膠漆情。海北關西千里路。淡交莫妄結同盟。

送金地禪師歸舊山三首

律一首

偶因官暇舊山回。後樂園中錢席開。歲寒相看青松會。晚節共浮黃菊杯。

其二

堂主人請余書春林黃刻理

一別鄉園歲八過。親朋屈指已無多。憑君為問神州事。五岳風光今奈何。

參議賀陽公頃拜

賜

御書德不孤三大字。

德云。

三朶雲章筆有神。鳳翔龍躍瑞光新。聖心為示諸侯守。敬義工夫德有鄰。公嘗以敬義名齋

拾遺藤君下示壯歲學習之盛作次高韻

武公懿戒過九十。感君壯年志已立。新詩今見發新知。舊學從茲除舊習。

東川藤君志于詩。才思敏捷格調早成。牧童一篇特驚老懷。吟翫數回。卒和成三章。病中信筆浪言。莫令侘人之觀容則可也。

兩兩三三江上村。相呼那識世慶喧。數聲短笛黃昏月。不覺歸牛入我門。

其二

任侘牛犢牧寒村。大厦時聞燕雀喧。為報春風桃浪漲。錦鱗容易躍龍門。

其三

耕輟南村又北村。牧牛扣角夕風喧。憐君早得詩中

趣。幾度推敲月下門。

壽羽林源君四十

正心橋上百年春。富貴功名次第新。又識周家麟趾化。衆多孫子自振振。

蠟梅

百花粉飾漫芬芳。稀見枝枝點額黃。可愛智瓊多道氣。肯從晉主學官妝。

蘭

風起雲飛有秀兮。芳心不變露淒淒。楚臣紉佩終辭國。魯叟託琴亦反西。

寒菊

雪虐風饑至後天。東籬顏色故依然。怜君自有延齡術。黃白丹成伴水仙。

中秋

十二團圓第一流。金波穆穆滿天浮。嫦娥不與乾坤老。西抹東塗三五秋。

納涼

三伏炎蒸汗若漿。潭潭殿閣自生涼。南薰吹起五絃曲。看見清陰遍四方。

扇

南訛長養奉天功。手裏清飈似發蒙。聞說五明開聖德。又知萬國仰仁風。

其二

新製齊紈出漢宮。招涼扇賜意何窮。清風明月取無盡。都在天工掌握中。

蘭

瓶裏名花座有光。微風生處德馨長。群臣侍立倚蘭殿。奕葉應添王者香。

新畬辭麥

細雨輕陰晨氣潤。新畬舊隴午風香。黃雲可待千倉

金皇集卷下  
富。綠浪相期九穗祥。

二月晚梅

餘寒未解百花愁。春半漸催梅蕊浮。莫恨江南相見晚。龜年不減舊風流。

壽某五十

先德馨香滿海涯。孫枝子葉莫休期。餘慶猶入神仙夢。待看黃梁再熟時。

玉垂古松

祠上老松天半橫。三韓餘烈氣晴嶸。神功萬古磨無盡。白玉長垂不朽名。

病中逢雨

病裏偏憂雨濕寒。擁衾卧枕一身安。三彭猶恐闖吾室。閉氣頤神煉內丹。

其一

秋盡人間漸向寒。欣看窗竹報平安。履霜可戒堅冰至。為問仙家九返丹。

其三

瓶冰正識萬方寒。不審斯民安未安。別有仁風開壽域。程門欲用一般丹。

新竹

夙興夜寐日孜孜。德業必從勤苦期。莫道蛇跗難寸寸。須看百尺化龍時。

書燈

半盞清油更漏遷。夏螢冬雪轉相憐。焦心幸免照歌舞。一夜寒窗對聖賢。

枕

心中霄夢亦清。孔情周思自分明。十洲三島渾閒事。何祝黃梁浮世榮。

贈鑑宇高公更番駿州府七首

五言律  
五言排律

煌煌

神祖藏神處。無奈異端容易遷。猶有英靈金寶氣。時時光彩復衝天。

右久野

士峯秀出九霄寒。清淑婉孌涵海瀾。日日雲烟多變態。羨君細得四時看。

右富士

名山望祭古今新。輪煥淺間靈驗頻。疾疫兩賜祈必應。神光偏照一方民。

右淺間

鬱鬱長洲連海磯。神仙跨鶴日相依。試看秋月清明

夜。又有天人舞羽衣。山嶽凝日。水石流音。妙民龍鳳。

右三穗

神仙來往接東瀛。三島十洲望裏清。四海一家關不鎖。路人猶指舊時名。

右清見關

芳筵餘興向昏時。花萼垂垂欲睡遲。舉燭恐驚胡蝶夢。暗中摸索亦應知。

林擒獻壽

滿盤佳果共勻圓。紅玉碧珠光照筵。近悅遠來鳥情

見。文林永得美名傳。

偏界一覽亭二首

塊看東岱兼西華。杯視三江又五湖。放眼只言彌六合。還疑藏密欠工夫。

其二

任佗河伯望洋秋。三島十洲心上浮。九萬鵬程終有限。誰能更上一層樓。

九月十六夜病中對月自賦

三彭二豎月西流。仙菊芬芳添壽籌。勿道瑞雲飄一葉。循環元氣萬斯秋。



聚翠岸

岸樹成行經幾霜。鬱葱積翠滿池塘。武林自是增佳氣。會見恩波浸綠光。

射御埽

正鵠張侯依舊儀。和鑿中節有前規。王家浪說編錢日。瞿圃應知揚解時。

首夏即事

疾風暴雨卷春歸。林綠透簾光滿衣。枕簟日長人不到。閒看燕子遶檐飛。

煙寺晚鐘

群山無色暮情嶒。孤塔飛樓空翠橫。始信通神圖畫妙。耳邊殷殷聽無聲。

中秋恭侍讌紀小詩

舞殿秋風飄羽衣。廣寒仙樂瑞音飛。祇今明德明天下。待看重輪更發輝。

立春瑞雪

三素朝雲映雪浮。瑞祥先自上春稠。瑤階昨夜月無影。翠浪今年麥有秋。

畫梅

祭祭玉妃清若神。人間草木更無倫。相期來歲結佳

實。植做江南第一春。

畫松

懸崖百尺一株松。清節貞蕤千歲容。八十期翁老猶健。岱山只欠太夫封。

癸酉正月文會講習示諸生

癸酉春正文會時。滿堂和氣莫相疑。同門自在弟兄好。只願怡怡盡切悃。

重示

為報諸君學習時。審思明辨不留疑。莫言險韻無他押。已百已千唯切悃。

壽星圖

瑞色祥光照漢津。見時福祿可駢臻。好將南極老人壽。施及東方君子仁。

謝篁洲生

疇昔豐饌數日冷腸。温然充飽感佩有餘戲。賦小詩少伸謝悃。

一庭雨集芥為舟。翠竹涓涓聚在洲。今日對君仍大嚼。世間亦有鶴揚州。

牽牛花

牛郎昨夜泛靈槎。其從如雲歸去遐。天曉齊拋碧羅

笠餘情猶託一庭花。此君直立有精神。風威饒使偃山

竹林虎嘯圖

猛虎嘯空吹氣辰。此君直立有精神。風威饒使偃山木。此手從來不下人。

黃葵芙蓉圖

何意荒園叢薄深。無情花草表微忱。酡顏自有拒霜色。檀暈亦看傾日心。

奉次和州刺史源公元日和歌末字韻

蘭玉森森照庭砌。凌雲彩筆俱游藝。郡城幸有最上名。行見陽春沐恩惠。

雨井漁舟

雨笠烟簑無淺深。君舟民水有浮沈。矢棠浪拒臧孫諫。濫泗能從里革箴。

五月涼雨

一雨清涼五月秋。薰絃憶昔解民憂。熙豐新法雖如燬。四海同浮元祐舟。

梅柳爭春

芬芳帶雪已連林。媚娜隨風未作陰。瘦嶺縱誇臘前早。龍池爭若雨中深。

好鳥鳴高枝

現。晚。初。遷。喬。木。枝。亦。知。高。處。不。忘。危。奮。飛。更。有。工。夫。在。百。尺。竿。頭。進。步。時。

語燕窺研

尋。巢。憐。爾。愛。吾。廬。雖。是。微。禽。情。有。餘。莫。恠。頻。頻。窺。几。研。遙。音。欲。帶。紹。蘭。書。

表安洛雪

大。雪。家。家。凍。餓。頻。杜。門。高。卧。豈。謀。身。丹。心。只。念。扶。炎。運。冷。視。權。門。附。熱。人。

王猷溪雪

訪。戴。風。流。傳。古。今。誰。知。回。棹。思。尤。深。縱。令。興。盡。非。迷。

復。可。警。人。間。遂。過。心。

六言絕句

山谷野水白鷗圖

漆。園。夢。裏。蝴。蝶。野。水。江。南。白。鷗。壹。是。機。忘。物。化。三。生。魯。直。莊。周。

茶沸菴

流。水。門。前。剝。啄。清。風。竹。裏。煎。烹。苦。中。自。有。真。味。胸。次。都。無。俗。情。

壽星圖

東。方。君。子。仁。化。南。極。老。人。瑞。光。同。覩。太。平。有。象。尚。期。

錦里文集卷十

萬壽無疆。

...



東武稿入閣... 錦里文集卷十

